


歷代 日記叢鈔

學苑出版社


歷代日記叢鈔

第十冊



敘

多爾袞攝政日記爲清內閣大庫舊物宣統間清理庫檔流落於外後歸寶應劉氏食舊德齋原冊起五月二十九日迄七月初九日而不紀年茲因中有閏六月檢勘曆書及實錄知爲順治二年事原書初無名稱每日記事後均書記者銜名與清代起居注體例略同故劉氏於其所錄副冊題曰攝政王多爾袞起居注考清代起居注康熙間始置館當時尙無其制今劉氏囑由本院刊行爰改題曰多爾袞攝政日記司道職名冊亦爲劉氏所藏計分北直山東河南山西陝西浙江江西江南湖廣福建四川廣東廣西各地方每司道銜名下皆注某年某月陞授或改授字樣早者爲順治五年晚者爲九年今與攝政日記一併刊行列爲文獻叢書第十五種以供研究清史者之參考焉



五月二十九日大學士等入見戶部官啓事畢



王上曰近覽章奏屢以剃頭一事引禮樂制度爲言甚屬不倫



本朝何常無禮樂制度今不遵

本朝制度必欲從明朝制度是誠何心若云身體髮膚受之父母不敢毀傷猶自有理若諄諄言禮樂制度此不通之說予一向憐愛羣臣聽其自便不願剃頭者不强今既紛紛如此說便該

傳旨呼官民盡皆剃頭大學士等啓言

王上一向憐愛臣民盡皆感仰况指日江南混一還望

王上寬容又吏部啓衆看山東巡撫方大猷擬革職爲民

王上顧問大學士等曰該如何處大學士等言方大猷此事錯悞該處但念為地方亦有勤勞或從降處

王上又問如何降處大學士等言前朝有降調者亦有降一二級照舊者

王上曰還實降為是著降兵道用大學士等啓要降兵道須更調地方若在本處恐無顏面展布若果能作好官還可照舊巡撫

王上又諭都察院既奉

旨叅看該有一定處法如何二三其說以後還該秉公執法以盡職掌大學士則跪啓數本

賜茶趨出

學士李若琳恭記

多爾袞攝政日記

五月二十九日

大學士等入見戶部官啟事畢王上曰近覽章奏屢以剃頭一事引禮樂制度爲言甚屬不倫本朝何常無禮樂制度今不遵本朝制度必欲從明朝制度是誠何心若云身體髮膚受之父母不敢毀傷猶自有理若諄諄言禮樂制度此不通之說予一向憐愛羣臣聽其自便不願剃頭者不强今旣紛紛如此說便該傳旨叫官民盡皆剃頭大學士等啟言王上一向憐愛臣民盡皆感仰况指日江南混一還望王上寬容又吏部啟參看山東巡撫方大猷擬革職爲民王上顧問大學士等曰該如何處大學士等言方大猷此事錯悞該處但念爲地方亦有勤勞或從降處王上又問如何降處大學士等言前朝有降調者亦有降一二級照舊者王上曰還實降爲是著降兵道用大學士等啟要降兵道須

更調地方若在本處恐無顏面展布若果能作好官還可照舊巡撫王上又諭都察院既奉旨參看該有一定處法如何二三其說以後還該秉公執法以盡職掌大學士剛跪啟數本賜茶趨出

學士李若琳恭記

六月初三日

大學士等入王顧賜坐各部官以次入啟事王顧問代王有遺腹子不知他有住處否有養贍否著撫按查明與他養贍大學士馮等叩頭謝王問云給代王養贍爲甚叩頭謝你們到底是念你舊主大學士等對王尙且篤念何況臣等且前人有成語一心可以事二君二心不可以使一君凡不忘前朝的推此心卽能盡忠本朝王又問比如封賞如今親王你們未必謝大學士等對王戲言耳諸王懋功膺賞臣等敢不贊

服各官啟事少頃王又言凡人臣事君全在精白一心不在面貌上王又問江南既有甚好人物大學士等對地方廣大定有賢才王又言不是泛論地方賢才只是先生們胸中有知道的否大學士等對錢謙益是江南人望王又問如今在否大學士等對昨歸順文冊上有名字現在王頷之須臾賜茶大學士剛啟讀本章畢諸臣退

侍講學士高爾儼恭記

六月初四日

大學士等入啟事王上賜坐叩頭謝大學士讀章奏各隨事處分訖賜茶王上問殿工大木產於何處大學士等對曰川廣又問大木可常有否對曰極大者亦甚難得殿柱間有三合四合六合者王上又問曰聞皇極一殿費至六百萬金果否對曰誠然其兩廠見貯木料尙不在數

內王上曰一殿之工至六百萬何太侈耶漢文帝露臺惜百金之費况六百萬乎然文帝吝惜百金亦覺太儉大凡天下事自有中道太過與不及俱都不是如堯之茅茨不剪亦過於儉帝王所居豈宜如此大學士等對曰太古之時原自渾朴吏部兵部各啟事畢退

侍讀陳具慶恭記

六月二十九日

大學士等入叩頭賜坐大學士剛宣讀都察院本王曰茶馬一差要緊必須擇人都察院臣劉漢儒以廖攀龍對王顧問漢儒何方人大學士等對北直人漢儒出吏部過持籤一握次第啟奏王曰這用的滿州人予一一皆知若是漢人其賢不肖予皆不曉又云在外有司撫按薦者多參刻者少天生好人每一地方不過一兩箇那得有如許之多大學

士等對外官除參處外都該獎薦此舊例也所薦的人撫按多有同者若參的人絕不雷同一箇是一箇且入境有參復命有參鹽臣有參至三年有大察所去的官亦不爲少王曰應選之官未必皆好譬如矮子裏選將軍就不好的也少不的要去大學士等對初選的人何能卽知待到地方不好的自然參處大學士剛讀楊方興本王曰此官做得何如大學士等對極好王曰他是從內院出去的予也知道他少頃吏部奏陝西事王曰闖賊暴虐百姓痛恨我大清此來新政也只如常小民便自悅服大學士等對爲湯武毆民者桀與紂也王上新政比明季多善如蠲免錢糧嚴禁賄賂皆是服人心處王曰善與不善惟天可表又云崇禎之亡天數已定彼時總有良臣也濟不得事又云崇禎皇帝也是好的只是武官虛功冒賞文官貪職壞法所以把天下失了又云予在東邊時每見此中朝報下以此蒙上上的旨意亦以此蒙下最爲可

笑後來看不得了所以徑不看了王上良久復云御史趙開心駁了他一箇本再不見上了人臣進言是的自是卽偶然說的不是何妨再上大學士等對想他有敬慎的意思在王曰他家中定做下幾箇本也不可知言訖大學士剛等持冠帶品級圖跪前呈覽是日也王上霽色而談言無不盡諸臣悉爲踴躍移時方出

侍讀朱之俊恭記

閏六月初四日

啟奏大學士剛奏御史趙開心本王笑曰賜他騾子遂有此本又奏御史宋一貞本王問曰匠役生事害人是何匠何人大凡言事須要指名屢經申飭如何不遵這本不該封覽大學士奏曰通政司收在外各官及民本可以封駁此乃言官本所言是與不是必須封進聽旨定奪臣

等豈敢徑不封進又奏諸王府夥計事王曰諸王供事不給一切養兵賞資甚費不是生利自用這御史全不代諸王設想仰體其心只說有妨於小民通是偏向小民的意思大學士等奏曰百姓是王的百姓愛百姓正是尊王臣等意謂諸王應給祿米賜贍田自然足用明朝每年錢糧半是朝廷與王府供用我朝諸王勞苦功高尤厚祿王曰卽如明朝宮女數千王府亦多宮女此時也照此行之可乎遂問宮女選於何處大學士等奏曰朝廷傳旨令禮部選王府請聖旨選於其國王笑而問曰目前就行此事何如大學士等奏曰此時天下初定民心驚恐此事必不可行臣等仰見王上聖德亦必不行此事王又曰明時百姓家有蓄積數十萬金者此時諸王府未有二三萬金之藏非經營生利不足用度大學士等奏曰明時多藏乃明之所以亡今諸王無厚蓄正是清朝之所以興反覆問對者久之王又言紂王拒諫餽非予今反覆言

之不是不聽他說話只是言不知爲上者不得已之心事待天下大定漸次定制頒賜宗祿目今難以遽禁這御史本改票行又奏英王大捷當祭告郊廟社稷擬票內有神人共憤語王曰明朝人博學固多只是這等說話似乎不宜人心之憤固自可見若天之憤從何而至今王師剪寇便如此說倘兩軍相持不分勝負豈天在憤不憤之間乎大學王等奏曰天視自我民視天聽自我民聽王上奉天討罪天下無敵天意確有可憑理之必然也少頃王言方今天下未常乏才但朝臣賢否須久任方見大學士等奏曰王諭久任洞見治理但今缺多人少遷轉不得不驟一兩年間方可行久任之事王又諭治天下全在得人但新官語言不通且多不識面何法可得好官委用大學士等奏曰漢唐以來君臣言語相通何常盡能得賢因大臣不得其人故也如臣等內院及吏兵二部得人則在京官員自然得人外而各處督撫巡按得人則道

府州縣自然得人天下可不勞而理矣王諭曰是頃之手取弓矢賜大學士馮銓銓卽於座前謝恩王入召大學士剛林賜蟒袍又賜明晉王朱熿烜紀城王朱慈穎及投順總兵官馬科之子馬如騏袍服召大學士等進殿內列坐賜饌謝恩饌畢肅出

檢討成克鞏恭記

閏六月初六日

啟奏王問趙開心日日上疏想他皆屬宿構大學士等奏趙御史叨蒙欽賞圖報方殷自然有懷必盡王問金陵旣已底定其餘諸省卽當遣人齎詔招撫大學士等奏招撫自是自策但別議遣人不若卽除各省撫按等官親往詔諭自己地方責任定然處事精詳百姓旣有係屬草竊無不立解王嘉納允行王諭輔臣當遣書英王殿下江南歸附諸臣

如馬科白廣恩等都著來京陛見其餘統兵頭領亦然此外士卒或解散歸農或檢選充伍務令行間周詳安插得宜王問兵部侍郎金之俊自有本部事務當言如何旁及漕運大學士等奏之俊舊司漕務且生長江南事頗洞晰漕運係國家大計廷臣皆得條陳卽庶民上言亦無不可者王曰言漕亦可江南平後告廟祀天此是禮部職掌且已具疏言過之俊何又瀆陳百官各有所司越俎局外反致本等職業不修可批駁申飭行王問南京明太祖守陵人役數目輔臣奏孝陵定制會典及戶部可查王諭桑芸一疏謂滿漢言語不通致有猜疑推諉及着他指名奏來乃說原無實跡恐或有此事夫言官爲朝廷耳目必所言實實可行然後聰明有益今浮泛無據入耳經心徒費精神人之精神有限若勞頓于無間切事至於軍國重務反致照管不清大學士等奏人臣防微杜漸功令三令五申皆所以預止流弊消彌未然若待事有成

形挽回或恐無及先幾入告言官之職當然也王諭方今國家多事之時余豈憚勤勞輒圖晏安自便但幾務日繁疲於裁應頭昏目脹體中時復不快年齒漸增每遇冗雜無間之事心輒燥懣去歲乍抵燕京水土不調爲疾頗劇今差健勝然亦未盡愈也以後章疏都須檢擇切要者以聞王問江西各省有人才可用否大學士等奏諸地俱不乏人未敢率爾漫舉容詳擇奏聞王問六部尙書例從例數大學士等奏多寡不齊大約二十人上下王諭儀從姑緩其帽頂等威誠屬急務作速頒行

檢討高珩恭記

閏六月初七日

大學士等入見奏署延綏巡撫趙兆麟本爲銷算錢糧事王上曰錢糧